



UKA 2018/219

15. oktober 2018

Aqqaluk Heilmann

**Uunga siunnersuut: Pinngitsuuisinnaajunnaarnermik katsorsaaneq pillugu Inatsisartut  
inatsisisaat nr. xx, xx.xxx 2018-imeersoq**

(Peqqissutsumut Ilisimatusanermullu Naalakkersuisoq)

Ullutsinni ajornartorsiutitut ilungersunartutullu nalilertariaqarsorinarpooq aangajaarniutip  
(ikiaroornartup) annertuumik atugaanera nunatsinni.

Aammattaaq imigassamik atuivallaarneq ajornartorsiutaavoq annertooq, tamannalu meeqlanik  
angajoqqaajusuniit arsaarinnittarnermik malitseqartarnikuusoq sulilu tamanna ajornartorsiutaasoq  
ilisimaarivarput.

Taamaattumik qaammarsaanikkut iliuuseqarsinnaassuserput annertuumik sulissutigisariaqarparput  
pinngitsuuisinnaajunnaanerit akiorniarnerini.

Katsorsaaneq ajunngeqaaq Alloriarfik kommune-ni tamani pilersissallugu, Atassumiilli  
oqaatigerusupparput pinngitsuuisinnaajunnaarneq sioqqullugu iliuuseqarsinnaanerput  
pitsaanerpaajussaammat tassa qaammarsaajuarnikkut pinngitsuuisinnaajunnaarneq  
pinaveersimatissallutigu sioqqutsisumik iliuuseqartuarnikkut.

Nalunngilarput ikiaroornartumik atuisarneq inuup inuuneranik aamma innarliisartoq, hash psykose-  
qalertitsisarnera, ataavartumillu inuunerup sinnerani pigiliunneqartarnera ajornartorsiutaavoq  
aamma.

Katsorsaaveqarfiusuni annertusisamik qaammarsaanikkut periarfissiisinnaaneq  
ineriartortitseqqinnejartariaqarpoq, kiisalu inuiaqatigiinni ajornartorsiutip qanoq annertutigineranik  
kisitsisinik ersarissunik paasissutissiisarnissaq kissaatiginarluni.

Taamaaliornikkut malinnaasinnaaqqulluta ajornartorsiut annikilliartornersoq takusinnaajumallutigu  
sumiiffinni nalunaarsuisoqarneratigut.

Ilanngullugu oqaatigiumavarput Atassummiit isumaqaratta aningaasanoortaneq piffit ilaanni  
ajoquaasutut nalilerniarneqartarnera assortuinnarsinnaanatigu, pissutigalugu  
ningaasannanniartarerup tunngavia takuniartariaqaratsigu aallaavia.



Atassummiit isumaqarpugut pinngitsuisinnaajunnaarnermik akiuiniarluni katsorsaasarnerup saniatigut annertuumik inuaqatigiinnut iliuuseqartariaqartugut ajornartorsiutaalersartut sioqqullugit iliuuseqartarnikkut pinaveersimatitsinikkut.

Tamannalu pisinnaavoq qaammarsajuarnikkut soorlu meeqqat atuarfiini, højskole-t aamma aqqutigalugit inuaqatigiilerinerup iluani ingerlatani suli annertunerusumik eqqartorneqarsinnaanerisigut. Meeqqat inuusuttuaqqallu eqqarsaatigalugit timersornikkut eqqumiitsuliornikkullu sammisassaqarluarnissaat aamma siuarsartuartariaqarparput.

Kommune-p inunnik isumaginninnikkut sulisuini, peqqinnissaqarfik, pisortallu sulititai ataqtigiissanertaqartariaqarlutik suliaqarfimmi tassani.

Siunnersuut ataasimiititaliamut susassaqartumut ingerlateqqitassanngorlugu innersuupparput.